



DET KONGELEGE
JUSTIS- OG POLITIDEPARTEMENT

St.prp. nr. 21

(2008–2009)

Om endringer i Statsbudsjettet for 2008 under Justis- og politidepartementet

*Tilråding frå Justis- og politidepartementet av 14. november 2008,
godkjend i statsråd same dagen.
(Regjeringa Stoltenberg II)*

1 Innleiing

Justis- og politidepartementet legg i denne proposisjonen fram forslag om endringer i løyvingane under diverse kapittel i statsbudsjettet for 2008. Endringsforslaga på nokre av dei regelbundne postane er mellom anna baserte på rekneskapstal pr. 30.08.2008. Departementet vil understreke at tala for forbruk på dei regelbundne postane berre er prognosar, og at dei endelege rekneskapstala kan avvike ein del frå desse prognosane.

2 Forslag om endringer

Kap. 410 Tingrettane og lagmannsrettane

Post 01 Driftsutgifter

Løyvinga på posten dekkjer faste og variable lønsutgifter, samt lønsutgifter til tilkalla og ekstraordinære dommarar og øvrige ordinære driftsutgifter.

Finnmarkskommisjonen blei oppnemnd ved kongeleg resolusjon 14.03.2008 og er operativ frå hausten 2008. Oppnemninga av Utmarksdomstolen vil utstå noko sidan det ikkje vil vere høve til å reise sak inn for domstolen før kommisjonen har avslutta kartlegginga av eksisterande rettar i det første utreiingsfeltet. På grunn av forseinkinga foreslår Justisdepartementet å redusere løyvinga på kap. 410, post 01 med 4 mill. kr.

Post 21 Spesielle driftsutgifter

Løyvinga på posten dekkjer utgifter som etter rettsgebyrlova er medrekna i rettsgebyret. Forbruket på posten er knytt til talet på og omfanget av saker og er derfor ikkje styrbar.

På bakgrunn av erfaringstal, rekneskapstal hittil i år og venta utvikling foreslår Justisdepartementet å auke løyvinga på kap. 410, post 21 med 4 mill. kr.

Kap. 3410 Rettsgebyr

Post 01 Rettsgebyr

Løyvinga på posten dekkjer inntekter frå gebyrpliktige oppgåver i domstolane i samband med sivile saker, skjønn, skifte, konkurs m.m. Inntektene er regelstyrte.

På bakgrunn av rekneskapstal hittil i år og venta utvikling foreslår Justisdepartementet å auke løyvinga på kap. 3410, post 01 med 30 mill. kr.

Kap. 3412 Tinglysingsprosjektet

Post 02 Gebyrinntekter, tinglysing i fast eigedom

Posten er nyoppretta i 2008 og skal dekkje inntekter frå tinglysing i fast eigedom ved Statens kartverk. Inntektene har tidlegare blitt ført på kap. 3410, post 01.

På bakgrunn av rekneskapstal og venta utvikling foreslår Justisdepartementet å redusere løyvinga på kap. 3412, post 02 med 57 mill. kr.

Kap. 413 Jordskifterettane*Post 21 Spesielle driftsutgifter*

Løyvinga på posten dekkjer sideutgifter som jordskifterettane har heimel til å krevje inn i visse saker.

Justisdepartementet har fått meirinntektsfullmakt til å overskride løyvinga på kap. 413, post 21 mot tilsvarende meirinntekter på kap. 3413, post 02. Justisdepartementet foreslår å redusere løyvinga på kap. 413, post 21 med 1 mill. kr ettersom inntektene på kap. 3413, post 02 er venta å bli lågare enn det som er lagt til grunn for løyvinga, jf. omtale under kap. 3413, post 02.

Kap. 3413 Jordskifterettane*Post 02 Sideutgifter*

Løyvinga på posten dekkjer inntektene som jordskifterettane har heimel til å krevje inn i visse saker.

Justisdepartementet har fått fullmakt til å overskride løyvinga på kap. 413, post 21 mot tilsvarende meirinntekter på kap. 3413, post 02. Inntektene på posten er venta å bli 1 mill. kr lågare enn gjeldande løyving for 2008. Justisdepartementet foreslår derfor å redusere løyvinga på kap. 3413, post 02 med 1 mill. kr, jf. omtale under kap. 413, post 21.

Kap. 414 Forliksråd og andre domsutgifter*Post 01 Driftsutgifter*

Løyvinga dekkjer godtgjering og tapt arbeidsforteneste til meddommarar, lagrettemedlemmer, vitne og rettsvitne og reiseutgifter til desse. Posten dekkjer også utgifter til vitne som møter eller på anna måte forklarar seg for Kommisjonen for begjæring om gjenopptaking av straffesaker samt nødvendige blodprøver/DNA-testar i kommisjonen sitt arbeid.

På bakgrunn av rekneskapstal, erfaringstal og venta utvikling foreslår Justisdepartementet å auke løyvinga på kap. 414, post 01 med 18 mill. kr.

Post 21 Spesielle driftsutgifter

Løyvinga dekkjer utgifter til godtgjering til medlemmer av forliksråda og kompetansehevande tiltak i form av kurs.

På bakgrunn av erfaringstal, rekneskapstal hitil i år og venta utvikling blir det foreslått å auka løyvinga på kap. 414, post 21 med 3 mill. kr.

Kap. 5630 Aksjar i Norsk Egedomsinformasjon as*Post 85 Utbytte*

Gjeldande løyving på posten i 2008 er 8,1 mill. kr. På generalforsamlinga til Norsk Egedomsinformasjon våren 2008 blei det vedteke eit utbytte på 12,64 mill. kr for rekneskapsåret 2007. På denne bakgrunn blir det foreslått å auke løyvinga på kap. 5630, post 85 med 4,54 mill. kr.

Kap. 430 Kriminalomsorga si sentrale forvaltning*Post 01 Driftsutgifter*

Løyvinga på posten dekkjer ordinære driftsutgifter (løn, varer og tenester) i kriminalomsorga.

Justisdepartementet foreslår å auke løyvinga på kap. 430, post 01 med 2,4 mill. kr mot ein tilsvarende reduksjon i løyvinga på kap. 430, post 21, jf. omtale under kap. 430, post 21.

Justisdepartementet har fått fullmakt til å overskride løyvinga på kap. 430, post 01 mot tilsvarende meirinntekter på kap. 3430, post 03. Ettersom inntekter frå sal og tilskot i 2008 er venta å bli høgare enn lagt til grunn for løyvinga i 2008, foreslår Justisdepartementet å auke løyvinga på kap. 430, post 01 med 6,765 mill. kr, jf. omtale under kap. 3430, post 03.

Justisdepartementet har fått fullmakt til å overskride løyvinga på kap. 430, post 01 mot tilsvarende meirinntekter på kap. 3430, post 04. Som følgje av at tilskot frå Utanriksdepartementet til internasjonalt fengselssamarbeid i 2008 er lågare enn lagt til grunn for løyvinga for 2008, foreslår Justisdepartementet å redusere løyvinga under kap. 430, post 01 med 108 000 kr, jf. omtale under kap. 3430, post 04.

Oppsummering

Samla foreslår Justisdepartementet å auke løyvinga på kap. 430, post 01 med 9,057 mill. kr.

Post 21 Spesielle driftsutgifter, kan nyttes under kap. 430, post 01

Posten omfattar utgifter arbeidsdrifta har til materiale, vanleg utskifting av mindre maskiner og utstyr, kursing av tilsette retta mot hjelpemiddel brukt i arbeidsdrifta, samt vedlikehald og drift av maskinparken. Arbeidspengar til dei innsette inngår også i løyvinga.

Justisdepartementet har fått fullmakt til å overskride løyvinga på kap. 430, post 21 mot tilsvarende meirinntekter på kap. 3430, post 02. Inntektene under kap. 3430, post 02 er venta å bli 5,894 mill. kr høgare enn lagt til grunn for løyvinga for 2008. Jus-

Justisdepartementet foreslår derfor å auke løyvinga på kap. 430, post 21 med 5,894 mill. kr, jf. omtale under kap. 3430, post 02.

Meirutgiftene i samband med arbeidsdrifta på kap. 430, post 21 er venta å bli lågare enn meirinntekta på kap. 3430, post 02. Justisdepartementet foreslår derfor å omdisponere 2,4 mill. kr frå kap. 430, post 21 til kap. 430, post 01, jf. omtale under kap. 430, post 01.

Oppsummering

Samla foreslår Justisdepartementet å auke løyvinga på kap. 430, post 21 med 3,494 mill. kr.

Post 60 Refusjonar til kommunane, forvaringsdømte o.a., kan overførast

Løyvinga på posten dekkjer refusjonar til kommunale omsorgstiltak for prøvelauslating frå forvaring, psykisk utviklingshemma med sikringsdom og varetektssurrogat.

På bakgrunn av rekneskapstal hittil i år og oppdatert prognose foreslår Justisdepartementet å redusere løyvinga på kap. 430, post 60 med 7 mill. kr i 2008. Dette skuldast forseinkingar i enkelt saker som gir utsetjing i utbetaling av refusjonar.

Kap. 3430 Kriminalomsorga si sentrale forvaltning

Post 02 Inntekter frå arbeidsdrifta

Løyvinga på posten dekkjer inntekter frå sal av arbeidsdrifta sin produksjon.

Justisdepartementet har fått fullmakt til å overskride løyvinga på kap. 430, post 21 mot tilsvarende meirinntekter på kap. 3430, post 02. Basert på rekneskapstal og prognosar er inntektene på kap. 3430, post 02 venta å bli 5,894 mill. kr høgare enn det som var lagt til grunn for løyvinga i 2008. Justisdepartementet foreslår derfor å auke løyvinga på kap. 3430, post 02 med 5,894 mill. kr, jf. omtale under kap. 430, post 21.

Post 03 Andre inntekter

Løyvinga på posten dekkjer bl.a. leigeinntekter for teneste- og leigebustad, refundert kost og husleige samt klientavhengige driftstilskot til overgangsbustadane.

Justisdepartementet har fått fullmakt til å overskride løyvinga på kap. 430, post 01 mot tilsvarende meirinntekter på kap. 3430, post 03. Inntektene frå sal og tilskot på kap. 3430, post 03 er venta å bli 6,765 mill. kr høgare enn det som var lagt til grunn for løyvinga i 2008. Justisdepartementet foreslår derfor å auke løyvinga på kap. 3430, post 03 med 6,765 mill. kr, jf. omtale under kap. 430, post 01.

Løyvinga på posten vart auka med 11 mill. kr i 2008 pga. venta inntekt ved eigedomssal i Østensjøvegen. Netto salsinntekt blei 7,799 mill. kr noko som medfører at salet har gitt ei mindreinntekt på 3,201 mill. kr. Justisdepartementet foreslår på denne bakgrunn å redusere løyvinga på kap. 3430, post 03 med 3,201 mill. kr.

Oppsummering

Samla foreslår Justisdepartementet å auke løyvinga på kap. 3430, post 03 med 3,564 mill. kr.

Post 04 Tilskot

Løyvinga dekkjer tilskot til deltaking i internasjonalt fengselssamarbeid.

Justisdepartementet har fått fullmakt til å overskride løyvinga på kap. 430, post 01 mot tilsvarende meirinntekter på kap. 3430, post 04. Ettersom tilskot frå Utanriksdepartementet til internasjonalt fengselssamarbeid er lågare enn det som blei lagt til grunn for løyvinga i 2008, foreslår Justisdepartementet å redusere løyvinga på kap. 3430, post 04 med 108 000 kr, jf. omtale under kap. 430, post 01.

Kap. 432 Kriminalomsorga sitt utdanningssenter

Post 01 Driftsutgifter

Løyvinga dekkjer lønsutgifter til skulens personale, løn til aspirantar og utgifter til drift og husleige til skulebygningen.

Justisdepartementet har fått fullmakt til å overskride løyvinga på kap. 432, post 01 mot tilsvarende meirinntekter på kap. 3432, post 03. Justisdepartementet foreslår å redusere løyvinga på kap. 432, post 01 med 770 000 kr på grunn av at inntektene på kap. 3432, post 03 er venta å bli lågare enn det som er lagt til grunn for løyvinga i 2008, jf. omtale under kap. 3432, post 03.

Kap. 3432 Kriminalomsorga sitt utdanningssenter

Post 03 Andre inntekter

Løyvinga omfattar mellom anna inntekter frå aspirantane sin del av skulebøker og studietur. Justisdepartementet har fått fullmakt til å overskride løyvinga på kap. 432, post 01 mot tilsvarende meirinntekter på kap. 3432, post 03. Basert på rekneskapstal og prognosar er inntektene på kap. 3432, post 03 venta å bli 770 000 kr lågare enn det som er lagt til grunn i løyvinga for 2008. Justisdepartementet foreslår derfor å redusere løyvinga på kap. 3432, post 03 med 770 000 kr, jf. omtale under kap. 432, post 01.

Kap. 440 Politidirektoratet – politi- og lensmannsetaten*Post 01 Driftsutgifter, kan nyttast under kap. 441, post 01*

Løyvinga dekkjer alle ordinære driftsutgifter ved Politidirektoratet, politidistrikta (ikkje Oslo politidistrikt), politireserven og politiet sine særorgan (ikkje Politihøgskolen).

Det er venta ei auke i talet på produserte pass på 60 000 stk. Dette vil gje auka utgifter på til saman 16,5 mill. kr basert på ein einingspris på 275 kr. På denne bakgrunn foreslår Justisdepartementet å auke løyvinga på kap. 440, post 01 med 14,3 mill. kr, jf. omtale under kap. 441, post 01 og kap. 3440, post 01.

Drift og investeringar

I juni 2008 leverte Politidirektoratet rapporten «Politiet mot 2020 – Bemannings- og kompetansebehov i politiet.» Rapporten foreslår ei bemanningsauke i politi- og lensmannsetaten med 2 700 polititienestemenn og 1 000 sivile stillingar innan år 2020. I St.prp. nr 1 (2008-2009) for Justisdepartementet har Regjeringa følgd opp dette forslaget ved at opptaket ved Politihøgskolen er auka til 552 studentar. Det er også foreslått å auke talet på sivilt tilsette. På grunn av at opptaket på Politihøgskolen har vore lågt i mange år, er det ikkje mogeleg å auke talet på polititienestemenn på kort sikt. Det er derfor viktig at driftsbudsjetta til politidistrikta mellom anna gjev rom for å tilsetje sivile slik at politiutdanna tenestemenn kan frigjerast til operativt politiarbeid.

Budsjettet til politi- og lensmannsetaten dekkjer all drift i politidistrikta. I tillegg skal og investeringar og utviklingsutgifter dekkjast innanfor budsjettamma. Når budsjettet skal fordelast, held Politidirektoratet attende løyvingar til utvikling av til dømes valdsalarmar og utstyr til produksjon av pass med biometri. I 2008 har utgiftene til desse oppgåvene blitt høgare enn budsjettet.

Politidirektoratet oppgjev eit meirforbruk på 3,7 mill. kr til drift av eksisterande valdsalarmar samt ein kostnad på 7 mill. kr til anskaffing og forbetring av nye alarmar. Samla meirbehov er såleis 10,7 mill. kr. I tillegg er utgiftene til biometri og utvikling av eit operativsystem for den elektriske brikka i passet blitt høgare enn budsjettet. Meirutgiftene er på 19,4 mill. kr. Justisdepartementet foreslår på denne bakgrunn å auke løyvinga på kap. 440, post 01 med 30,1 mill. kr til drift og investering.

Under kap. 440 og kap. 441 foreslår Justisdepartementet samla ei tilleggsløyving på 46,6 mill. kr. Løyvinga dekkjer i utgangspunktet ugifter til produksjon av pass, valdsalarmar og produksjon av pass med biometri. Dette vil føre til at politidistrikta får auka løyvingane til drift i 2008. Politidirektoratet vil frigjere reservar som ellers skulle ha blitt brukt til desse investeringane, og fordele dette til distrikta. I den seinare tid har det vore ei stor utfordring for bemanninga i politiet at polititienestemenn i større grad enn tidlegare uttrykkjer eit ønskje om å verne om fritida si. Politimeistrane melder om ein vanskeleg driftssituasjon. Tilleggs-løyvinga vil betre denne situasjonen.

Oppsummering

Samla foreslår Justisdepartementet å auke løyvinga på kap. 440, post 01 med 44,4 mill. kr i 2008.

Post 21 Spesielle driftsutgifter

Posten dekkjer sideutgifter som politi- og lensmannsetaten har i samband med asylsaker, under dette utgifter til uttransportering i asylsaker og andre utlendingssaker.

Gjeldande løyving på posten er 74,9 mill. kr. Rekneskapen på posten viser eit forbruk på 35,2 mill. kr pr. 31.08.2008. Forbruket har vore lågt 1. halvår 2008. Forbruket 2. halvår er venta å bli ein del høgare, mellom anna som følgje av fleire transportar utanfor Europa, auke i arbeidet med ID-fastsetting samt meir bruk av tvang ved uttransporteringar.

På bakgrunn av rekneskapstal og venta utvikling foreslår Justisdepartementet å redusere løyvinga på kap. 440, post 21 med 5 mill. kr.

Kap. 3440 Politidirektoratet – politi- og lensmannsetaten*Post 01 Gebyr*

Posten dekkjer inntekter frå gebyr for pass og våpenløyvingar.

Det vert vist til omtale under kap. 440, post 01 om auka passproduksjon med 60 000 pass. Rekneskapstal viser også ei svak auke i inntektene frå våpengebyr. Samla viser prognosane bygd på produksjons- og rekneskapstal ei auke på 24,2 mill. kr samanlikna med saldert budsjett 2008. Justisdepartementet foreslår såleis å auke løyvinga på kap. 3440, post 01 med 24,2 mill. kr, jf. omtale under kap. 440, post 01.

Post 06 Gebyr - utlendingssaker

Posten dekkjer gebyr ifm. statsborgarskap, familieinnvandring og arbeids-, busettings- og utdanningsløyver.

På bakgrunn av erfaringstal, rekneskapstal hitil i år og venta utvikling foreslår Justisdepartementet å redusere løyvinga på kap. 3440, post 06 med 20 mill. kr i 2008.

Post 07 Gebyr - Sivile gjeremål

Posten skal dekkje gebyrinntekter i samband med den sivile rettspleia på grunnplanet - dvs. gebyr for tvangsforretningar og forliksrådsbehandling.

På bakgrunn av erfaringstal, rekneskapstal hitil i år og venta utvikling foreslår Justisdepartementet å redusere løyvinga med 75 mill. kr i 2008. Reduksjonen i inntektene skuldast i første rekkje nedgang i talet på saker i forliksrådet.

Kap. 441 Oslo politidistrikt*Post 01 Driftsutgifter*

Posten dekkjer alle ordinære driftsutgifter i Oslo politidistrikt.

Justisdepartementet foreslår å auke løyvinga på kap. 441, post 01 med 2,2 mill. kr på grunn av ei venta auke i talet på produserte pass, jf. omtale under kap. 440, post 01.

Kap. 455 Redningstenesta*Post 01 Driftsutgifter*

Løyvinga på posten dekkjer alle ordinære driftsutgifter og investeringar for hovudredningssentralen, redningshelikoptertenesta og anskaffingsprosjektet for nye redningshelikopter.

Den døgnkontinuerlige vaktordninga i redningshelikoptertenesta vert frå 01.07.2008 utvida til også å omfatte Rygge og Ørland. Kostnadane knytt til legeberedskapen blir finansiert av Justisdepartementet. I 2008 blir det foreslått å overføre 3,84 mill. kr frå kap. 455, post 01 til Helse- og omsorgsdepartementet. I samband med dette blir det foreslått å auke kap. 732, post 72 med 2,04 mill. kr og kap. 732, post 74 med 1,8 mill. kr.

Post 21 Spesielle driftsutgifter

Løyvinga på posten dekkjer utgifter til å engasjere private selskap, t.d. helikopterorganisasjonar i det enkelte redningstilfelle, refusjon til frivillige hjelparar for innsats i redningstenesta, forbruk og erstatning av materiell m.m. Det er opp til den enkelte hovudredningssentral å vurdere behovet og omfanget for bistand frå frivillige organisasjonar og private selskap. Kostnadane blir refundert i tråd med retningslinjer frå Justisdepartementet. For-

bruket på posten er vanskelig å berekne, då utgiftene varierer med talet på og omfanget av redningsaksjonar.

Gjeldande løyving på posten er 7,517 mill. kr i 2008. Prognosar for 2008 tilseier eit forbruk på 11 mill. kr, dvs. eit meirbehov på 3,5 mill. kr i forhold til gjeldande løyving. Justisdepartementet foreslår derfor å auke løyvinga på kap. 455, post 21 med 3,5 mill. kr.

Kap. 456 Direktoratet for nødkommunikasjon

I St.prp. nr. 1 (2008-2009) blei det gjort greie for at leverandøren er forseinka i sin leveranse av Nødnett. I St.prp. nr. 1 (2007-2008) orienterte Justisdepartementet om at enkelte meirutgifter for etatane som følgje av forseinkingar hjå leverandøren kunne kompenseras både på post 01 og post 45 under kap. 456. Utgiftene kunne og bli kompensert under kap. 440, post 01, kap. 451, post 01, kap. 720, post 01 og kap. 732, post 72. Alle etatar har hatt meirutgifter i forbindelse med sine delprosjekt som følgje av leverandøren si forseinking.

Post 01 Driftsutgifter

Løyvinga dekkjer staten sine kostnader til drift av Direktoratet for nødkommunikasjon (DNK) og kostnader til drift til leverandør for dei områder som blir bygd ut og satt i drift i 2007 og 2008. Løyvinga inkluderar og kostnader til leige av datalinjer og innplassering av nytt utstyr i noverande radiostasjonar. Justisdepartementet har i 2008 budsjettet med inntil 17,5 mill. kr på kap. 456, post 01 til å dekkje delar av meirkostnadene knytt til forseinkinga, jf. omtale under kap. 456. Det blei bestemt at midlane skulle delast likt mellom etatane, dvs. 5,833 mill. kr til kvar etat. Politietaten vil nytte sin del av refusjonen til dekning av meirutgifter til drift i sitt delprosjekt. Brannetaten vil nytte 4,355 mill. kr på post 01 og 1,478 mill. kr på post 45. Helseetaten vil nytte heile sin del av beløpet på post 45. Etatane sine ønskje om å nytte refusjonar på post 45 blir forklart med at dei ønskjer å nytte midlane til nødvendige endringar i kommunikasjonssentralar for eigen etat som del av tilleggskontrakten inngått med leverandør i sommar.

På denne bakgrunn foreslår Justisdepartementet å omdisponere 7,311 mill. kr frå kap. 456, post 01 til kap. 456, post 21.

Post 45 Større utstyrinnkjøp og vedlikehald, kan overføres

Løyvinga på posten skal dekkje investeringar i radionett, utstyr til nødetatane sine kommunika-

sjonssentralar og terminalar for første utbyggingsområde.

Med bakgrunn i leverandøren sine forseinkingar på om lag eit år og endringane i kontrakten, foreslår Justisdepartementet ein reduksjon av løyvinga på kap. 456, post 45. Løyvinga på posten relatert til Nødnett blir foreslått redusert med totalt 273,561 mill. kr. Dette skuldast utsett betaling for radionettverk (240,970 mill. kr), kommunikasjonsentralar (27,591 mill. kr), samt utsette refusjonar frå leverandøren (5 mill. kr).

Justisdepartementet har fått fullmakt til å overskride løyvinga på kap. 456, post 45 mot tilsvarende meirinntekter på kap. 3456, post 02. Justisdepartementet foreslår å redusere løyvinga på kap. 456, post 45 med 5 mill. kr på grunn av utsette refusjonar frå leverandøren, jf. omtale over og omtale under kap. 3456, post 02.

DNK har varsla at dei i samband med dekning av deler av meirutgiftene til nødetatane har behov for å nedjustere løyvinga på kap. 456, post 01 med ei samanfallede oppjustering av kap. 456, post 45, jf. omtale under kap. 456, post 01. Justisdepartementet foreslår derfor å omdisponere 7,311 mill. kr frå kap. 456, post 01 til kap. 456, post 45.

Oppsummering

Samla foreslår Justisdepartementet å redusere løyvinga på kap. 456, post 45 med 266,25 mill. kr i 2008.

Kap. 3456 Direktoratet for nød-kommunikasjon

Post 02 Refusjonar

I samband med første utbyggingsområde av Nødnett vil det oppstå utgifter for DNK som skal bli refundert av leverandøren.

Basert på forseinkinga i utbygginga reknar DNK med refusjonar i 2008 på 16,253 mill. kr. Gjeldande løyving under kap. 3456, post 02 er 21,253 mill. kr noko som utgjør eit mindrebehov på 5 mill. kr.

Justisdepartementet har fått meirinntektsfullmakt til å overskride løyvinga på kap. 456, post 45 mot tilsvarende meirinntekter på kap. 3456, post 02. På denne bakgrunn foreslår Justisdepartementet å redusere løyvinga på kap. 3456, post 02 med 5 mill. kr i 2008, jf. omtale under kap. 456, post 45.

Kap. 461 Særskilde ulykkeskommisjonar

Post 01 Driftsutgifter

Stortinget har gjort vedtak om å oppnemne ein undersøkingskommisjon etter fiskefartøyet «Western» sitt forlis 06.02.1981 og å løyve 7 mill. kr til dekning av utgifter knytt til kommisjonen sitt arbeid, jf. St.prp. nr. 41 (2005-2006) og Innst. S. nr 129 (2005-2006). På denne bakgrunn blei Undersøkingskommisjonen etter Western sitt forlis oppnemnd 08.05.2006. Løyvinga fekk stikkordet «kan overførast» og ubrukt løyving er overført til 2007 og 2008. Arbeidet har blitt meir omfattande enn ein rekna med, særleg knytt til undersøkingar av delar av vraket. Dette har også ført til høgare utgifter til arbeidet i kommisjonen. Det er derfor behov for ytterlegare midlar utover løyvinga som blei sett av til kommisjonen på 7 mill. kr. Justisdepartementet foreslår på denne bakgrunn å auke løyvinga på kap. 461, post 01 med 0,5 mill. kr i 2008. Eventuelt behov for tilleggsmidlar utover dette blir dekt inn-anfor rammene av posten, mellom anna frå gjenstående løyving til Ålesundsutvalet.

Undersøkingskommisjonen leverer sin slutt-rapport 17.11.2008. Justisdepartementet vurderer innhaldet i rapporten og vil kome tilbake til Stortinget om saka på eigna måte på eit seinare tidspunkt.

Kap. 466 Særskilde straffesaksutgifter m.m.

Post 01 Driftsutgifter

Løyvinga på posten dekkjer utgifter til salær og reise- og kostgodtgjersle til forsvarar, bistandsadvokatar, tolkar og sakkunnige som er oppnemnde av retten i den enkelte sak eller av Kommisjonen for gjenopptaking av straffesaker. Løyvinga dekkjer også tapt arbeidsforteneste til ikkje-salærberettiga tolkar og sakkunnige i straffesaker. Løyvinga dekkjer dessutan salær og reise- og opphaldsutgifter til aktor i militære straffesaker, enkelte utgifter i sivile saker og utgifter i Justisdepartementet til oversetting i rettsoppmodning og utleveringssaker. På bakgrunn av rekneskapstal og venta utvikling foreslår Justisdepartementet å auke løyvinga på kap. 466, post 01 med 95 mill. kr.

Kap. 470 Fri rettshjelp

Post 01 Driftsutgifter

Løyvinga på posten dekkjer utgifter til sakkunnige og meddommarar m.m. i saker der det er gitt fri saksførsel.

På bakgrunn av rekneskapstal og venta utvikling foreslår Justisdepartementet å redusere løyvinga på kap. 470, post 01 med 0,5 mill. kr.

Post 70 Fri saksførsel

Løyvinga på posten skal gå til å dekkje utgifter til advokat i saker der det er gitt heil eller delvis fri saksførsel.

På bakgrunn av rekneskapstal og venta utvikling foreslår Justisdepartementet å redusere løyvinga på kap. 470, post 70 med 6 mill. kr.

Post 71 Fritt rettsråd

Løyvinga på posten dekkjer utgifter til advokatar og rettshjelparar i saker der det er gitt fritt rettsråd.

På bakgrunn av rekneskapstal hittil i år og venta utvikling blir det foreslått å redusere løyvinga på kap. 470, post 71 med 5 mill. kr.

Kap. 3470 Fri rettshjelp

Post 01 Tilkjende saksomkostningar m.m.

Saksomkostningar tilkjent staten i benefiserte saker blir førte under posten.

På bakgrunn av rekneskapstal og venta utvikling blir det foreslått å nedjustere løyvinga på kap. 3470, post 01 med 1,5 mill. kr.

Kap. 471 Staten sitt erstatningsansvar

Post 72 Erstatning etter straffeforfølging, overslagsløyving

Etter straffeprosesslova kap. 30 og 31, jf. forskrift om standardsatsar for erstatning etter urettkomen straffeforfølging, har ein sikta rett til erstatning for økonomisk tap og til oppreisning etter faste satsar for krenking eller anna skade av ikkje-økonomisk art dersom vedkomande blir frifunne, forfølginga mot vedkomande blir innstilt, eller vedkomande har vore pågripen eller fengsla i strid med sentrale menneskerettskonvensjonar. Løyvinga på posten er regelstyrt.

På bakgrunn av rekneskapstal og venta utvikling foreslår Justisdepartementet å redusere løyvinga på kap. 471, post 72 med 6 mill. kr.

Kap. 475 Bubehandling

Post 21 Spesiell driftsutgifter

Løyvinga på posten dekkjer utgifter til gransking av konkurs- og tvangsavviklingsbo iht. Justisdepartementet si særskilte garantiordning og utgifter til drift av Konkursrådet.

På bakgrunn av rekneskapstal og venta utvikling foreslår Justisdepartementet å auke løyvinga på kap. 475, post 21 med 0,5 mill. kr.

Andre saker

Avhending av vegareal vederlagsfritt frå Staten v/ Justisdepartementet til Ullensaker kommune.

Justisdepartementet har fått førespurnad frå Sletta Burettslag v/Kriminalomsorga region nordaust om avhending av veggrunn frå Staten v/Justisdepartementet til Ullensaker kommune. Vegen blir nytta av Sletta burettslag ved Ullersmo fengsel, og tilhøyrrer staten. Vegen har gnr. 29 og bnr. 268, det same som fengselet. Sletta Burettslag fester tomt av staten, men er skilt ut med eige gnr. og bnr.

Fengselet og burettslaget har i dag alt vedlikehald av vegen. Kommunen vil overta vedlikehaldet mot at eigedomen blir overført vederlagsfritt til dei. Vegarealet er 1 740 kvadratmeter og har ein marknadsverdi på 350 000 kr. Vedlikehaldskostnadane for vegen er berekna til omtrent 10 000 kr pr. år. Snøbrøyting kjem i tillegg til dette. Kommunen er ikkje villig til å overta vedlikehaldet med mindre eigedomen blir overdratt til dei.

På bakgrunn av at eigedomen er av liten verdi samt at vedlikehald fører til årlige kostnader, foreslår Justisdepartementet følgjande romertalsvedtak:

«*Stortinget samtykkjer i at deler av staten sin eigedom, gnr. 29, bnr. 268 blir overdratt vederlagsfritt til Ullensaker kommune*»

Justis- og politidepartementet

t i l r å r :

At Dykkar Majestet godkjenner og skriv under eit framlagt forslag til proposisjon til Stortinget om endringar i statsbudsjettet for 2008 under Justis- og politidepartementet.

Vi HARALD, Noregs Konge,

s t a d f e s t e r :

Stortinget blir bedt om å gjere vedtak om endringar i statsbudsjettet for 2008 under Justis- og politidepartementet i samsvar med eit vedlagt forslag.

Forslag til vedtak om endringer i statsbudsjettet for 2008 under Justis- og politidepartementet

I

I statsbudsjettet for 2008 blir det gjort følgjande endringer:

Utgifter:

Kap.	Post	Formål	Kroner
410		Tingrettane og lagmannsrettane	
	01	Driftsutgifter, vert redusert med frå kr 1 383 598 000 til kr 1 379 598 000	4 000 000
	21	Spesielle driftsutgifter, vert auka med frå kr 49 750 000 til kr 53 750 000	4 000 000
413		Jordskifterettane	
	21	Spesielle driftsutgifter, <i>kan overføres</i> , vert redusert med frå kr 6 239 000 til kr 5 239 000	1 000 000
414		Forliksråd og andre domsutgifter	
	01	Driftsutgifter, vert auka med frå kr 98 003 000 til kr 116 003 000	18 000 000
	21	Spesielle driftsutgifter, vert auka med frå kr 39 249 000 til kr 42 249 000	3 000 000
430		Kriminalomsorga si sentrale forvaltning	
	01	Driftsutgifter, vert auka med frå kr 2 328 459 000 til kr 2 337 516 000	9 057 000
	21	Spesielle driftsutgifter, <i>kan nyttes under kap. 430, post 01</i> , vert auka med frå kr 54 785 000 til kr 58 279 000	3 494 000
	60	Refusjonar til kommunene, forvaringsdømte o.a., <i>kan overføres</i> , vert redusert med frå kr 27 200 000 til kr 20 200 000	7 000 000
432		Kriminalomsorga sitt utdanningssenter (KRUS)	
	01	Driftsutgifter, vert redusert med frå kr 196 446 000 til kr 195 676 000	770 000
440		Politidirektoratet - politi- og lensmannsetaten	
	01	Driftsutgifter, vert auka med frå kr 7 741 574 000 til kr 7 785 974 000	44 400 000
	21	Spesielle driftsutgifter, vert redusert med frå kr 74 929 000 til kr 69 929 000	5 000 000
441		Oslo politidistrikt	
	01	Driftsutgifter, vert auka med frå kr 1 539 385 000 til kr 1 541 585 000	2 200 000

Kap.	Post	Formål	Kroner
455		Redningstenesta	
	01	Driftsutgifter, vert redusert med frå kr 494 577 000 til kr 490 737 000 ¹	3 840 000
	21	Spesielle driftsutgifter, vert auka med frå kr 7 517 000 til kr 11 017 000	3 500 000
456		Direktoratet for nødkommunikasjon	
	01	Driftsutgifter, <i>kan nyttes under kap. 440, post 01, kap. 451, post 01, kap. 720, post 01, og kap. 732, post 72</i> , nedsettes med frå kr 88 776 000 til kr 81 465 000	7 311 000
	45	Større utstyrsanskaffelser og vedlikehold, <i>kan overføres, kan nyttes under kap. 440, post 01, kap. 451, post 01, kap. 720, post 01, og kap. 732, post 72</i> , vert redusert med frå kr 428 672 000 til kr 162 422 000	266 250 000
461		Særskilde ulykkeskommisjonar	
	01	Driftsutgifter, vert auka med frå kr 3 664 000 til kr 4 164 000	500 000
466		Særskilte straffesaksutgifter m.m.	
	01	Driftsutgifter, vert auka med frå kr 671 483 000 til kr 766 483 000	95 000 000
470		Fri rettshjelp	
	01	Driftsutgifter, vert redusert med frå kr 5 328 000 til kr 4 828 000	500 000
	70	Fri sakførsel, vert redusert med frå kr 404 073 000 til kr 398 073 000	6 000 000
	71	Fritt rettsråd, vert redusert med frå kr 159 949 000 til kr 154 949 000	5 000 000
471		Staten sitt erstatningsansvar	
	72	Erstatning for uberettiga straffefølgjing, <i>overslagsløyving</i> , vert redusert med frå kr 34 018 000 til kr 28 018 000	6 000 000
475		Bubehandling	
	21	Spesielle driftsutgifter, <i>kan overføres</i> , vert auka med frå kr 7 587 000 til kr 8 087 000	500 000

¹ Vi viser til St.prp. nr. 20 (2008-2009) Om endringer i statsbudsjettet for 2008 under Justis- og politidepartementet (drift av redningshelikoptertenesta)

Inntekter:

Kap.	Post	Formål	Kroner
3410		Rettsgebyr	
	01	Rettsgebyr, vert auka med frå kr 138 821 000 til kr 168 821 000	30 000 000
3412		Tinglysingsprosjektet	
	02	Gebyrinntekter, fast eigedom, vert redusert med frå kr 1 057 185 000 til kr 1 000 185 000	57 000 000
3413		Jordskifterettane	
	02	Sideutgifter, vert redusert med frå kr 6 310 000 til kr 5 310 000	1 000 000
3430		Kriminalomsorga si sentrale forvaltning	
	02	Inntekter frå arbeidsdrifta, vert auka med frå kr 48 359 000 til kr 54 253 000	5 894 000

Kap.	Post	Formål	Kroner
	03	Andre inntekter, vert auka med frå kr 17 238 000 til kr 20 802 000	3 564 000
	04	Tilskudd, vert redusert med frå kr 1 508 000 til kr 1 400 000	108 000
3432		Kriminalomsorga sitt utdanningssenter (KRUS)	
	03	Andre inntekter, vert redusert med frå kr 1 470 000 til kr 700 000	770 000
3440		Politidirektoratet - politi- og lensmannsetaten	
	01	Gebyrer, vert auka med frå kr 257 440 000 til kr 281 640 000	24 200 000
	06	Gebyrer - utlendingssaker, vert redusert med frå kr 112 830 000 til kr 92 830 000	20 000 000
	07	Gebyr - sivile gjeremål, vert redusert med frå kr 540 021 000 til kr 465 021 000	75 000 000
3456		Direktoratet for nødkommunikasjon	
	02	Refusjonar, vert redusert med frå kr 21 253 000 til kr 16 253 000	5 000 000
3470		Fri rettshjelp	
	01	Tilkjente saksomkostninger m.m., vert redusert med frå kr 3 000 000 til kr 1 500 000	1 500 000
5630		Aksjer i Norsk Egedomsinformasjon as	
	85	Utbytte, vert auka med frå kr 8 100 000 til kr 12 640 000	4 540 000

II

Stortinget samtykkjer i at:

Deler av staten si eigedom, gnr. 29, bnr. 268 blir overdratt vederlagsfritt til Ullensaker kommune.

=====

